



Godina I - Broj 20

Ponedjeljak, 9. novembar 1992.
SARAJEVO

Za svaki broj posebno se
utvrđuje cijena
Žiro-račun 10100-603-1396

480

Na osnovu Amandmana LI tačka 5. stav 3. na Ustav RBiH, Predsjedništvo Republike Bosne i Hercegovine na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM O MATIČNIM KNJIGAMA

I - OSNOVNE ODREDBE

Član 1.

O ličnim stanjima građana vode se matična knjiga rođenih, matična knjiga vjenčanih i matična knjiga umrlih.

U matične knjige upisuju se zakonom određene činjenice o rođenju, zaključivanju braka i smrti, kao i primjedbe u vezi sa ovim činjenicama.

Matične knjige, izvodi iz matičnih knjiga i uvjerenja koja se izdaju na osnovu matičnih knjiga su javne isprave.

Član 2.

Matične knjige rođenih i umrlih vode se za svako naseljeno mjesto (naselje - grad, selo) zasebno po matičnim područjima koja određuje skupština opštine, a matične knjige vjenčanih vode se kao jedinstvene knjige u naseljenim mjestima u kojima se vrši sklapanje braka.

Skupština opštine može odrediti da se vode jedinstvene matične knjige rođenih i umrlih za dva ili više manjih naseljenih mjesta, ako su ta mjesta prostorno povezana tako da eventualnom promjenom opštinskih područja ne može doći do razdvajanja tih mjesta u razne opštine.

Član 3.

Vodenje matičnih knjiga obezbjeduje opština.
Matične knjige neposredno vodi za to posebno ovlašćeni radnik - matičar.

Matičar ima zamjenika koji zamjenjuje matičara u slučaju njegove odsutnosti ili spriječenosti, sa svim ovlašćenjima matičara.

Matičar i zamjenik matičara moraju biti stručno osposobljeni prije nego što im se povjeri vodenje matičnih knjiga.

Član 4.

O ličnim stanjima državljana Republike Bosne i Hercegovine u inostranstvu, matične knjige vode diplomatska i konzularna predstavništva Republike Bosne i Hercegovine (u daljem tekstu: Republika) u inostranstvu.

II - MATIČNA KNJIGA ROĐENIH

Član 5.

U matičnu knjigu rođenih upisuju se:

1. podaci o rođenju i to: ime i prezime i pol djeteta, dan, mjesec, godina, čas i mjesto rođenja djeteta i državljanstvo;
2. podaci o roditeljima djeteta i to: ime i prezime (za majku i djevojačko prezime), datum i mjesto rođenja, državljanstvo, prebivalište i adresa stana;
3. priznavanje i utvrđivanje oćinstva i materinstva; produženje i prestanak produženja roditeljskog prava; pozakonjenje; usvojenje i prestanak usvojenja; starateljstvo i prestanak starateljstva; zaključenje, prestanak i poništenje braka i oglašavanje braka nepostojećim; promjena imena i prezimena djeteta i promjena imena i prezimena roditelja odnosno usvojioaca; promjena državljanstva; smrt i proglašenje umrlih, kao i drugi podaci određeni zakonom.

Član 6.

Rođenje djeteta prijavljuje se usmeno ili pismeno radi upisa u matičnu knjigu rođenih matičaru matičnog područja na kome je mjesto u kome se dijete rodilo.

Rođenje djeteta na saobraćajnom sredstvu u toku prevoz prijavljuje se matičaru matičnog područja na kome je mjesto gdje se putovanje majke završilo.

Član 7.

Rođenje djeteta mora se prijaviti u roku od 15 dana od dana rođenja.

Ako je dijete mrtvo rođeno van zdravstvene ustanove, rođenje se mora prijaviti u roku od 24 sata od rođenja djeteta, a ako to nije moguće rođenje se mora prijaviti najkasnije narednog dana. Ako taj dan nije radni dan, rođenje mrtvog djeteta mora se prijaviti najbližoj stanici policije.

Član 8.

Rođenje djeteta u zdravstvenoj ustanovi dužna je da prijavi zdravstvena ustanova.

Rođenje djeteta van zdravstvene ustanove dužan je da prijavi otac djeteta, a ako on nije u mogućnosti da to učini ili ako je nepoznat, rođenje djeteta dužan je da prijavi drugi član domaćinstva, odnosno lice u čijem stanu je dijete rođeno, ili majka čim za to bude sposobna ili babica ili ljekar ako su sudjelovali pri porođaju, a ako ovih lica nema ili nisu u mogućnosti da rođenje prijave, rođenje je dužno da prijavi lice koje je saznalo za rođenje djeteta.

Član 9.

Lica koja su po propisu o ličnom imenu ovlašćena da određuju lično ime djeteta dužna su da radi upisa u matičnu knjigu rođenih prijavi nadležnom matičaru lično ime djeteta najkasnije u roku od dva mjeseca od dana rođenja djeteta.

Po sporazumu s roditeljima odnosno sa licem kome je povjereno staranje o djetetu, ime djeteta može da prijavi matičaru i drugo lice (punomoćnik). U ovom slučaju u matičnu knjigu rođenih upisuje se i lično ime tog lica.

Član 10.

Ako se lično ime ili samo ime ili prezime koje se djetetu određuje sastoji od više riječi, lica ovlaštena za određivanje ličnog imena djeteta prilikom prijavljivanja ličnog imena djeteta matičaru, dužna su dati izjavu kojim će se ličnim imenom djeteta služiti u pravnom saobraćaju.

Član 11.

Dijete čiji su roditelji nepoznati upisuje se u matičnu knjigu rođenih koja se vodi za mjesto gdje je dijete nađeno.

Upis se vrši na osnovu rješenja nadležnog organa starateljstva.

Rješenje o upisu sadrži: ime, prezime i pol djeteta, dan, mjesec, godinu, sat i mjesto rođenja djeteta. Kao mjesto rođenja upisuje se mjesto gdje je dijete nađeno.

Ako je dijete čiji su roditelji nepoznati usvojeno upisaće se, na zahtjev usvojioca, a na osnovu rješenja nadležnog organa starateljstva, podaci o usvojiocu kao podaci o roditelju nađenog djeteta, i to: ime i prezime, državljanstvo, prebivalište i adresa stana.

Organ starateljstva donosi rješenje iz st. 2. i 3. ovog člana na osnovu zapisnika o nalasku djeteta. Ovaj zapisnik nadležni organ dostavlja nadležnom matičaru zajedno sa svojim rješenjem.

Član 12.

Činjenica rođenja za lice koja je državljanstvo Republike Bosne i Hercegovine steklo prirodjenom upisuje se u matičnu knjigu rođenih prema mjestu prebivališta tog lica, a u slučaju da to lice nema prebivalište u Republici u matičnu knjigu rođenih koja se vodi u opštini Centar-Sarajevo.

Upis iz prethodnog stava vrši se na osnovu rješenja o naknadnom upisu, koje po službenoj dužnosti donosi centar službi bezbjednosti Ministarstva unutrašnjih poslova (u daljem tekstu: centar službi bezbjednosti) prema mjestu prebivališta lica koje je državljanstvo steklo prirodjenom, odnosno Centar službi bezbjednosti Sarajevo, na osnovu dostavljenih podataka sa držanih u službenim evidencijama Ministarstva unutrašnjih poslova.

III - MATIČNA KNJIGA VJENČANIH

Član 13.

Zaključenje braka upisuje se u matičnu knjigu vjenčanih koja se vodi u naseljenom mjestu u kome je brak zaključen.

Član 14.

U matičnu knjigu vjenčanih upisuju se:

1. podaci o zaključenju braka i to: ime i prezime; dan, mjesec, godina i mjesto rođenja; državljanstvo; prebivalište i adresa stana bračnih drugova; dan, mjesec, godina i mjesto zaključenja braka i izjave bračnih drugova o njihovom preimenu;

2. ime i prezime roditelja bračnih drugova; ime i prezime i prebivalište svjedoka pri zaključenju braka; ime i prezime službenog lica pred kojim je brak zaključen; ime i prezime matičara i ime i prezime tumača ako je pri sklapanju braka bio neophodan;

3. oglašavanje braka nepostojećim; poništenje braka i pretanak braka;

4. promjena imena i prezimena bračnih drugova;

5. ime i prezime i prebivalište punomoćnika, ako pri zaključenju braka jednog bračnog druga zastupa punomoćnik.

Član 15.

Presudu kojom se brak razvodi, oglašava nepostojećim ili se poništava sud će u roku od 15 dana od dana kada je postala pravosnažna dostaviti nadležnom matičaru radi upisa u matičnu knjigu rođenih i matičnu knjigu vjenčanih.

IV - MATIČNA KNJIGA UMRILIH

Član 16.

U matičnu knjigu umrlih upisuju se:

1. podaci o smrti i to: ime i prezime umrlog; njegovo prezime prije zaključenja braka; pol; dan, mjesec, godina, čas i mjesto smrti, dan, mjesec, godina i mjesto rođenja; bračno

stanje; državljanstvo; prebivalište i adresa stana; uzrok smrti i mjesto sahrane;

2. ime i prezime bračnog druga i njegovog prezime prije zaključenja braka, ako je umrli bio u braku; ime i prezime roditelja umrlog; ime i prezime i prebivalište lica koje je prijavilo smrt odnosno naziv ustanove ako je smrt prijavila ustanova;

3. proglašenje nestalog lica umrlim i podatak o smrti koji je dokazan u sudskom postupku.

Član 17.

Činjenica smrti prijavljuje se usmeno ili pismeno radi upisa u matičnu knjigu umrlih matičaru matičnog područja na kome je mjesto gdje je smrt nastupila.

Ako se ne zna gdje je smrt nastupila, činjenica smrti upisaće se u matičnu knjigu umrlih koja se vodi za mjesto gdje je leš nađen.

Činjenica smrti koja je nastupila na saobraćajnom sredstvu u toku prevoza, kao i smrt koja je nastupila zbog saobraćajne nezgode na mjestu saobraćajne nezgode, upisuje se u matičnu knjigu koja se vodi za mjesto gdje se umrli sahranjuje.

Ako se, u slučajevima iz stava 3. ove uredbе, lice koje je umrlo na teritoriji Republike sahranjuje u inostranstvu, činjenica smrti prijavljuje se matičaru matičnog područja na kome je mjesto gdje je smrt nastupila i upisuje se u matičnu knjigu umrlih koja se vodi za to mjesto.

Član 18.

Činjenica smrti mora se nadležnom matičaru prijaviti prije sahrane, a najkasnije u roku od tri dana od dana smrti odnosno od dana nalaska leša umrlog lica.

Sahrana umrlog lica odnosno nađenog leša može se izvršiti i prije prijavljivanja činjenice smrti matičaru, na osnovu dozvole nadležne stanice javne bezbjednosti Ministarstva unutrašnjih poslova (u daljem tekstu: nadležna stanica), ako iz opravdanih razloga nije bilo moguće prijaviti činjenicu smrti matičaru.

Član 19.

Činjenicu smrti dužni su da prijave članovi porodice, odnosno članovi domaćinstva sa kojima je umrli živio. Ako njih nema ili su u nemogućnosti da to učine, činjenicu smrti dužna su da prijave druga lica sa kojima je umrli živio ili drugi članovi porodice koji su saznali za smrt, odnosno lica u čijem je stanu smrt nastupila. Ako nema ni ovih lica, činjenicu smrti dužno je da prijavi lice koje je prvo za smrt saznalo.

Matičar je dužan, ako na bilo koji način sazna za činjenicu smrti koja nije prijavljena, da pokrene postupak za upis te činjenice smrti u matičnu knjigu umrlih.

Činjenicu smrti lica koje je umrlo u zdravstvenoj ustanovi, kasarni, kazneno-popravnoj ustanovi, hotelu, internatu ili drugoj ustanovi ili organizaciji - dužna je da prijavi ustanova ili organizacija u kojoj je lice umrlo.

U slučaju nalaska leša čiji identitet nije utvrđen činjenicu smrti dužan je da prijavi organ koji je sastavio zapisnik o nalasku leša.

Član 20.

Činjenica smrti upisuje se na osnovu potvrde o smrti koju izdaje doktor medicine odnosno drugi zdravstveni radnik u skladu sa Zakonom o zdravstvenoj zaštiti.

Bez potvrde o smrti matičar ne smije upisati činjenicu smrti u matičnu knjigu.

Činjenicu smrti nepoznatog lica matičar će upisati u matičnu knjigu na osnovu zapisnika o nalasku leša.

Član 21.

Proglašenje nestalog lica umrlim i smrt dokazana u sudskom postupku upisuje se u matičnu knjigu umrlih na osnovu pravosnažne sudske odluke. Sud je dužan da ovu odluku dostavi u roku od 15 dana od dana njene pravosnažnosti matičaru matičnog područja na kome je bilo posljednje prebivalište umrlog.

Ako je posljednje prebivalište umrlog bilo nepoznato ili je u inostranstvu, sud će odluku dostaviti matičaru matičnog područja na kome je mjesto rođenja tog lica, a ako je mjesto

njegovog rođenja u inostranstvu - matičaru matičnog područja na kome je sjedište suda koji je donio odluku.

V - ZAJEDNIČKE ODREDBE

Član 22.

Matične knjige vode se u dva primjerka. Drugi primjerak matičnih knjiga je prepis ili ovjerenja fotokopija prvog primjerka - izvornika.

Član 23.

Matičar upisuje u matičnu knjigu samo one činjenice i podatke koji su mu prijavljeni odnosno koje sadrži akt nadležnog organa.

U prijavi za upis u matičnu knjigu moraju se navesti tačni podaci.

Član 24.

Nadležni organ dužan je da odluku odnosno drugi odgovarajući akt o činjenicama i promjenama u vezi sa činjenicama koje se upisuju u matične knjige kao naknadni upisi u pribilješke dostavi nadležnom matičaru u roku od 15 dana kada je odluka postala pravosnažna odnosno od dana kada je odgovarajući akt sačinjen.

Član 25.

Ako matičnu knjigu u kojoj treba izvršiti naknadni upis vodi drugi matičar, matičar koji je izvršio upis u matične knjige koje on vodi dužan je da u roku od tri dana od dana izvršenja upisa dostavi izvod iz matične knjige o izvršenom upisu matičaru koji vodi matičnu knjigu u koju treba izvršiti naknadni upis.

Matičar je dužan da o svakom upisu činjenice smrti lica koje je vojni obveznik obavijesti nadležni organ odbrane.

Ako se od stranog državljanina matična knjiga u koju treba izvršiti naknadni upis vodi u inostranstvu matičar koji je izvršio upis dužan je da u roku iz stava 1. ovog člana izvod iz matične knjige o izvršenom upisu dostavi nadležnom inostranom matičaru diplomatskim putem.

Član 26.

Matičar je dužan da upis u matičnu knjigu izvrši bez odlaganja.

Ako postoji osnovana sumnja da su pojedini podaci koji se upisuju u matičnu knjigu netačni, matičar je dužan da prije upisa provjeri tačnost podataka.

Član 27.

Matičar je dužan da izvršeni upis u matičnu knjigu pročita licu koje prijavljuje činjenicu, odnosno svjedocima, i da to potvrdi u matičnoj knjizi.

Upis u matičnu knjigu potpisuje lice koje je prijavilo činjenicu, svjedoci i matičar.

Ako lice koje je prijavilo činjenicu odnosno svjedok odbije da potpiše upis koji je izvršen u matičnu knjigu, matičar će to utvrditi u matičnoj knjizi i o tome sačiniti zabilješku.

Član 28.

Ako su činjenice rođenja ili smrti prijavljene po isteku 30 dana od dana kada su se desile, matičar smije izvršiti upis ovih činjenica u matične knjige samo na osnovu rješenja centra službi bezbjednosti, na čijem području se vodi matična knjiga u koju se ima izvršiti upis.

Član 29.

Greške koje je primjetio prije zaključenja upisa u matičnu knjigu matičar može sam da ispravi.

Član 30.

Ispravke u matičnim knjigama nakon zaključenja upisa mogu se vršiti samo na osnovu odluke nadležnog organa.

Ako je za utvrđivanje činjenice koja je pogrešno upisana u matičnu knjigu nadležno Ministarstvo unutrašnjih poslova ispravku upisa te činjenice može se vršiti samo na osnovu rješenja centra službi bezbjednosti na čijem području se vodi matična knjiga u kojoj treba izvršiti ispravku.

Član 31.

Matične knjige se zaključuju i ovjeravaju krajem svake godine.

Izvornik matičnih knjiga čuva matičar, a drugi primjerak matičnih knjiga čuva nadležna stanica.

Izvornik i drugi primjerak ne smiju se čuvati u istoj zgradi, moraju biti obezbijeđeni od oštećenja ili uništenja usljed požara i drugih elementarnih nepogoda, kao i od dostupnosti neovlašćenim licima.

Član 32.

U svakom naknadnom upisu ili ispravci u izvorniku zaključene matične knjige matičar je dužan da odmah sačini izvod o izvršenom naknadnom upisu odnosno ispravci, da ga najkasnije u roku od tri dana dostavi nadležnoj stanici koja čuva drugi primjerak matične knjige.

Član 33.

Ako usljed više sile ili iz drugih sličnih razloga pojedine činjenice i podaci nisu mogli biti upisani u matične knjige, naknadni upisi tih činjenica i podataka u matične knjige može se upisati samo na osnovu rješenja nadležnog centra službi bezbjednosti na čijem području se vodi matična knjiga u koju se ima izvršiti upis.

Član 34.

Činjenice rođenja zaključenja braka ili smrti državljanina Republike Bosne i Hercegovine u inostranstvu upisuju se u matične knjige u Republici i to:

1. rođenje - u matičnu knjigu rođenih koja se vodi za naseljeno mjesto u kome je posljednje zajedničko prebivalište roditelja djeteta, a ako nisu imali zajedničko prebivalište u matičnu knjigu rođenih koja se vodi za naseljeno mjesto u kome je posljednje prebivalište jednog od roditelja;

2. zaključenje braka - u matičnu knjigu vjenčanih koja se vodi u opštini u kojoj su bračni drugovi imali posljednje zajedničko prebivalište, a ako nisu imali zajedničko prebivalište - u matičnu knjigu vjenčanih u opštini u kojoj je jedan od bračnih drugova imao prebivalište;

3. smrt - u matičnu knjigu umrlih koja se vodi za naseljeno mjesto u kome je bilo posljednje prebivalište umrlog.

Ako se u slučaju iz stava 1. ovog člana posljednje prebivalište odnosnih lica nije moglo utvrditi ili ako im posljednje prebivalište nije bilo u Republici, upis će se izvršiti u odgovarajuću matičnu knjigu po mjestu rođenja odnosnih lica. Ako ova lica nisu ni rođena na teritoriji Republike upis će se izvršiti u odgovarajuću matičnu knjigu koja se vodi u gradu Sarajevu u opštini Centar - Sarajevo.

Član 35.

Upis činjenica po odredbama člana 34. ove uredbе vrši se na osnovu izvoda iz matične knjige inostranog organa. Ovaj izvod dužna je podnijeti stranka, ako međunarodnim ugovorom nije predviđena obaveza inostranog organa da izvede iz matičnih knjiga dostavlja nadležnom organu u Republici.

Izuzetno, činjenica rođenja upisuje se na osnovu rješenja nadležnog centra službi bezbjednosti, ako se izvod iz matične knjige rođenih koji vodi inostrani organ nije mogao pribaviti na način predviđen u prethodnom stavu. Centar službi bezbjednosti donosi ovo rješenje po zahtjevu stranke, a na osnovu dokaza koje predloži stranka.

Ako u izvodu iz matične knjige vjenčanih inostranog organa nema zabilješke o prezimenu bračnih drugova, zabilješka o prezimenu upisace se na osnovu izjave bračnih drugova.

Član 36.

Izvodi iz matičnih knjiga sadrže posljednje podatke koji su upisani u matične knjige do vremena izdavanja izvoda.

Uvjerjenja koja se izdaju na osnovu matičnih knjiga sadrže pojedine podatke upisane u matične knjige ili pojedine činjenice o ličnom stanju građana koje proizilaze iz tih podataka.

U izvode iz matičnih knjiga odnosno u uvjerenja za lica čije se ime ili prezime ili i ime i prezime sastoji iz više riječi, upisuje se kao lično ime ono koje je u smislu odredbe člana 10. ove uredbе zabranjeno kao lično ime kojim se služi u pravnom saobraćaju.

Član 37.

Izvodi iz matičnih knjiga ili uvjerenja o pojedinim podacima ili o pojedinim činjenicama upisanim u matične knjige izdaju se na zahtjev zainteresovanog lica. Izdavanje izvoda i uvjerenja matičar će odbiti samo ako je očigledno da se radi o zloupotrebi.

Član 38.

Pravo uvida u matične knjige ima zainteresovano lice. Uvid u matične knjige matičar neće dozvoliti licu za koje osnovano posumnja da nema za to opravdan interes.

Uvid u spise i rješenja na osnovu kojih se vrši upis u matične knjige dozvolice se licu na koje se ti podaci odnose, ili članu njegove uže porodice, ili usvojiocu odnosno staraocu, a drugom licu - samo ako ima za to neposredan i na zakonu zasnovan interes.

Član 39.

Ako su matične knjige uništene ili nestale, njihovom obnavljanju mora se pristupiti bez odlaganja.

Obnavljanje uništenih ili nestalih matičnih knjiga vrši nadležna stanica.

Radi obnavljanja matičnih knjiga građani su dužni da daju podatke koji su im poznati.

VI - KAZNE ODREDBE

Član 40.

Novčanom kaznom do 1.800 dinara kazniće se za prekršaj:

1. ko u propisanom roku ne prijavi rođenje djeteta (čl. 7. i 8. stav 2) ili ne odredi ili ne prijavi lično ime djeteta (član 9) ili ne prijavi smrt u propisanom roku (član 18. stav 1. ili član 19. stav 1);

2. ko prije prijavljivanja smrti matičaru izvrši sahranu bez dozvole nadležnog organa (član 18. stav 2).

Zdravstvena ustanova koja u propisanom roku ne prijavi rođenje djeteta (čl. 7. i 8. stav 1) ili ne prijavi smrt u propisanom roku (član 18. stav 1. i član 19. stav 3), kazniće se za prekršaj novčanom kaznom do 12.000 dinara, a odgovorno lice u toj zdravstvenoj ustanovi novčanom kaznom do 1.800 dinara.

Protiv učinoca prekršaja iz tačke 1. stav 1. ovog člana, kao i prekršaja iz prethodnog stava neće se voditi prekršajni postupak ako je prijavljivanje blagovremeno izvršilo drugo lice.

Član 41.

Novčanom kaznom od 1.200 do 2.700 dinara kazniće se za prekršaj ko svjesno da neistinite podatke o činjenici rođenja ili smrti ili druge podatke u vezi s tim činjenicama koje se upisuju u matičnu knjigu.

Za prekršaj iz stava 1. ovog člana kazniće se zdravstvena ustanova novčanom kaznom do 15.000 dinara, a odgovorno lice u toj zdravstvenoj ustanovi kazniće se novčanom kaznom do 2.700 dinara.

VII - PRELAZNE I ZAVRŠNE ODREDBE

Član 42.

Matične knjige koje su vođene do 9. maja 1946. godine, kao i izvodi iz tih matičnih knjiga i uvjerenja koja se izdaju na osnovu tih matičnih knjiga, imaju dokaznu snagu javnih isprava.

Izvode i uvjerenja iz matičnih knjiga navedenih u stavu 1. ovog člana izdaje matičar.

Član 43.

Matične knjige iz člana 42. stav 1. ove uredbe koje su po Zakonu o matičnim knjigama ("Službeni list SRBiH", br. 12/74, 38/86, 37/88 i 33/90) čuvali matičari vратиće se, nakon prepisivanja, vjerskim zajednicama u roku od dvije godine nakon prestanka ratnog stanja u Republici.

Finansijska sredstva za prepisivanje matičnih knjiga iz stava 1. ovog člana obezbijediće se u republičkom budžetu.

Vjerska zajednica dužna je omogućiti matičaru uvid u matične knjige koje čuva ta vjerska zajednica.

Član 44.

Ovlašćuje se ministar unutrašnjih poslova da donese propise o vođenju i čuvanju matičnih knjiga i spisa, o načinu vođenja postupka i sačinjavanju zapisnika o nadenom djetetu, o vršenju uvida u matične knjige i spise, o načinu izdavanja izvoda i uvjerenja na osnovu matičnih knjiga, o obnavljanju uništenih ili nestalih matičnih knjiga, o obrascima matičnih knjiga, registra matičnih knjiga, izvoda iz matičnih knjiga i uvjerenja koja se izdaju na osnovu matičnih knjiga, kao i o izdavanju izvoda iz matičnih knjiga namijenjenih inostranstvu.

Ministar unutrašnjih poslova u saglasnosti sa ministrom zdravlja propisuje obrazac potvrde o smrti.

Ministar unutrašnjih poslova u saglasnosti sa direktorom Republičkog zavoda za statistiku propisuje obrasce za dostavljanje statističkih podataka statističkoj službi.

Član 45.

Do donošenja propisa iz čl. 44. i 45. ove uredbe primjenjivaće se Uputstvo o vođenju matičnih knjiga ("Službeni list SRBiH", broj 16/91), Pravilnik o obrascima matičnih knjiga, registra matičnih knjiga, izvoda iz matičnih knjiga i uvjerenja koja se izdaju na osnovu matičnih knjiga ("Službeni list SRBiH", broj 17/76), Uredba o vođenju matičnih knjiga u diplomatskim i konzularnim predstavništvima Jugoslavije u inostranstvu i o izdavanju izvoda i uvjerenja na osnovu tih knjiga ("Službeni list SFRJ", broj 39/75) i Pravilnik o izdavanju izvoda iz matičnih knjiga namijenjenih inostranstvu ("Službeni list SFRJ", broj 55/91).

Član 46.

Danom stupanja na snagu ove uredbe prestaje da važi Zakon o matičnim knjigama ("Službeni list SRBiH", br. 12/74, 38/86, 37/88 i 33/90) i Zakon o osnovnim podacima za matične knjige ("Službeni list SFRJ", broj 6/73) koji je Uredbom sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakon ("Službeni list RBiH", broj 2/92) preuzet kao republički zakon.

Član 47.

Ova uredba stupa na snagu danom objavljivanja u "Službenom listu RBiH".

PR broj 1339/92
24. oktobra 1992. godine
Sarajevo

Predsjednik
Predsjedništva RBiH,
Alija Izetbegović, s. r.

481

Na osnovu člana 15. stav 1. Uredbe sa zakonskom snagom o vršenju inostranih poslova ("Službeni list RBiH", broj 19/92), Predsjedništvo Republike Bosne i Hercegovine, na sjednici od 4. novembra 1992. godine, donijelo je

ODLUKU

O POSTAVLJENJU AMBASADORA REPUBLIKE BOSNE I HERCEGOVINE U REPUBLICI HRVATSKOJ

I

Postavlja se akademik prof. dr ASIM KURJAK za ambasadora Republike Bosne i Hercegovine u Republici Hrvatskoj, sa sjedištem u Zagrebu.

II

Ovu odluku objaviti u "Službenom listu RBiH".
PR broj 1340/92
4. novembra 1992. godine
Sarajevo

Predsjednik
Predsjedništva RBiH,
Alija Izetbegović, s. r.

482

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici od 4. novembra 1992. godine, donijelo je

ODLUKU

O IZBORU SUDIJE USTAVNOG SUDA BOSNE I HERCEGOVINE

I

Za sudiju Ustavnog suda Bosne i Hercegovine izabran je DUŠAN OBRADOVIĆ, dosadašnji sudija Vrhovnog suda Bosne i Hercegovine.

II

Ovu odluku objaviti u "Službenom listu RBiH".
PR broj 1341/92
4. novembra 1992. godine
Sarajevo

Predsjednik
Predsjedništva RBiH,
Alija Izetbegović, s. r.

483

Na osnovu člana 11. Uredbe sa zakonskom snagom o okružnim vojnim tužilaštva ("Službeni list RBiH", broj 12/92) u vezi sa članom 20. Uredbe sa zakonskom snagom o okružnim vojnim sudovima ("Službeni list RBiH", broj 12/92), na prijedlog ministra odbrane, Predsjedništvo Republike Bosne i Hercegovine, na sjednici od 4. novembra 1992. godine, donosi

ODLUKU

O IMENOVANJU OKRUŽNIH VOJNIH TUŽILACA I ZAMJENIKA OKRUŽNIH VOJNIH TUŽILACA

I

Imenuju se za okružne vojne tužioce i zamjenike okružnih vojnih tužilaca:

1. U Okružno vojno tužilaštvo u Goraždu
1. PIANO ZUFER, za okružnog vojnog tužioca,
2. DULIMAN KEMAL, za zamjenika okružnog vojnog tužioca.
2. U Okružno vojno tužilaštvo u Sarajevu
1. CVITANOVIĆ DRAGO, za zamjenika okružnog vojnog tužioca,
2. HAMZIĆ ISMET, za zamjenika okružnog vojnog tužioca.

II

U Okružno vojno tužilaštvo u Zenici

1. SULJEVIĆ SEFEDIN, za zamjenika okružnog vojnog tužioca.

III

Ministarstvo odbrane regulisaće statusna i druga pitanja okružnih vojnih tužilaca i njihovih zamjenika.

IV

Ovu odluku objaviti u "Službenom listu RBiH".

PR broj 1347/92 Predsjednik
4. novembra 1992. godine Predsjedništva RBiH,
Sarajevo Alija Izetbegović, s. r.

484

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici održanoj 4. novembra 1992. godine, donijelo je

ODLUKU

O RAZRJEŠENJU ZAMJENIKA OSNOVNIH JAVNIH TUŽILACA

I

Razrješavaju se zamjenici Osnovnog javnog tužioca I Sarajeva:

- TANČICA VESNA, radi samovoljnog napuštanja dužnosti i nedolaska na posao,
- BOSILJČIĆ GORDANA, radi samovoljnog napuštanja dužnosti i nedolaska na posao.

II

Razrješavaju se zamjenici Osnovnog javnog tužioca II Sarajeva:

- MAJKALOVIĆ JASMINA, radi samovoljnog napuštanja dužnosti i nedolaska na posao,
- PANJEVIĆ MILORAD, radi samovoljnog napuštanja dužnosti i nedolaska na posao,
- STANIĆ INDIRA, radi samovoljnog napuštanja dužnosti i nedolaska na posao,
- ŠIŠIĆ AMRA, radi samovoljnog napuštanja dužnosti i nedolaska na posao,
- TUZOVIĆ GORDANA, radi samovoljnog napuštanja dužnosti i nedolaska na posao.

III

Danom razrješavanja dužnosti prestaje radni odnos.

IV

Ovu odluku objaviti u "Službenom listu RBiH".

Broj 02-111-819/92 Predsjednik
4. novembra 1992. godine Predsjedništva RBiH,
Sarajevo Alija Izetbegović, s. r.

485

Na osnovu člana 11. Uredbe sa zakonskom snagom o okružnim vojnim tužilaštva ("Službeni list RBiH", broj 12/92) u vezi sa članom 20. Uredbe sa zakonskom snagom o okružnim vojnim sudovima ("Službeni list RBiH", broj 12/92), na prijedlog ministra odbrane, Predsjedništvo Republike Bosne i Hercegovine, na sjednici od 4. novembra 1992. godine, donosi

ODLUKU

O RAZRJEŠENJU I IMENOVANJU ZAMJENIKA OKRUŽNOG VOJNOG TUŽIOCA U OKRUŽNOM VOJNOM TUŽILAŠTVU U BIHAĆU

I

Razrješava se dužnosti zamjenika okružnog vojnog tužioca u Okružnom vojnom tužilaštvu u Bihaću KORIĆA MILOVAN.

II

Za zamjenika okružnog vojnog tužioca u Okružnom vojnom tužilaštvu u Bihaću imenuje se DEDIĆ ZLATAN.

III

Ovu odluku objaviti u "Službenom listu RBiH".

PR broj 1346/92 Predsjednik
4. novembra 1992. godine Predsjedništva RBiH,
Sarajevo Alija Izetbegović, s. r.

486

Na osnovu člana 20. Uredbe sa zakonskom snagom o okružnim vojnim sudovima ("Službeni list RBiH", broj 12/92), na prijedlog ministra odbrane, Predsjedništvo Republike Bosne i Hercegovine, na sjednici od 4. novembra 1992. godine, donosi

ODLUKU

O RAZRJEŠENJU I IZBORU SUDIJA OKRUŽNOG VOJNOG SUDA U ZENICI

I

Razrješava se dužnosti sudije Okružnog vojnog suda u Zenici ŠAMIJA MIRKO, radi samovoljnog napuštanja dužnosti i nedolaska na posao.

II

Danom razrješavanja razriješenom sudiji prestaje radni odnos.

III

Za sudiju Okružnog vojnog suda u Zenici bira se VESELIJAK MLADEN, diplomirani pravnik.

IV

Ovu odluku objaviti u "Službenom listu RBiH".

PR broj 1344/92 Predsjednik
4. novembra 1992. godine Predsjedništva RBiH,
Sarajevo Alija Izetbegović, s. r.

487

Na osnovu člana 20. Uredbe sa zakonskom snagom o okružnim vojnim sudovima ("Službeni list RBiH", broj 12/92), na prijedlog ministra odbrane, Predsjedništvo Republike Bosne i Hercegovine, na sjednici od 4. novembra 1992. godine, donosi

ODLUKU O RAZRJEŠENJU I IZBORU SUDIJA OKRUŽNIH VOJNIH SUDOVA

I

Na lični zahtjev razrješavaju se dužnosti sudije u Okružnom vojnom sudu u Mostaru:

1. LOVRIC VJEKOSLAV
2. MARIĆ DRAGAN
3. BOŠNJAK MIROSLAV.

II

Za sudiju Okružnog vojnog suda u Mostaru bira se **SALJIĆ HUSNJA** iz Mostara.

III

Ministarstvo odbrane regulisaće statusna i druga pitanja izabranih i razrješanih sudija.

IV

Ovu odluku objaviti u "Službenom listu RBiH".

PR broj 1345/92
4. novembra 1992. godine
Sarajevo

Predsjednik
Predsjedništva RBiH,
Alija Izetbegović, s. r.

488

Na osnovu člana 20. Uredbe sa zakonskom snagom o okružnim vojnim sudovima ("Službeni list RBiH", broj 12/92), na prijedlog ministra odbrane, Predsjedništvo Republike Bosne i Hercegovine, na sjednici od 4. novembra 1992. godine, donosi

ODLUKU O IZBORU PREDSEDNIKA I SUDIJA OKRUŽNIH VOJNIH SUDOVA

I

Za sudije okružnih vojnih sudova biraju se:

1. U Okružni vojni sud u Gorazdu:
1. PLEH FAHIRA, za predsjednika Suda,
2. IMAMOVIĆ SEAD, za sudiju,
3. BATOTIĆ MEHMED, za sudiju,
4. KULJIUH SENIJA, za sudiju.
2. U Okružni vojni sud u Sarajevu:
1. SPOLJARIĆ VLADIMIR, za sudiju,
2. TEFTEDARIJA FAHRUDIN, za sudiju,
3. KAPO MUHIDIN, za sudiju.

II

Predsjednik Okružnog vojnog suda ujedno je sudija u okružnom vojnom sudu.

Predsjednik Okružnog vojnog suda, u skladu sa aktom o unutrašnjoj organizaciji, određuje jednog sudiju na mjesto istražnog sudije.

III

Ministarstvo odbrane regulisaće statusna i druga pitanja izabranih sudija.

IV

Ovu odluku objaviti u "Službenom listu RBiH".

PR broj 1348/92
4. novembra 1992. godine
Sarajevo

Predsjednik
Predsjedništva RBiH,
Alija Izetbegović, s. r.

489

Na osnovu člana 3a. Uredbe sa zakonskom snagom o primjeni Zakona o prekršajima za vrijeme neposredne ratne opasnosti ili za vrijeme ratnog stanja ("Službeni list RBiH", br. 6/92 i 12/92), Predsjedništvo Republike Bosne i Hercegovine, na sjednici od 4. novembra 1992. godine, donijelo je

ODLUKU O IZBORU PREDSEDNIKA I SUDIJA VIŠEG SUDA ZA PREKRŠAJE U TUZLI

I

Za predsjednika Višeg suda za prekršaje Tuzla izabran je **MARKOVIĆ SRETEN**, dosadašnji upravnik Okružnog zatvora u Tuzli.

II

Za sudije Višeg suda za prekršaje Tuzla izabrani su:
- **NUHIĆ NEDIM**, dosadašnji predsjednik Osnovnog suda u Živinicama;
- **MUJANOVIĆ HAJRUDIN**, dosadašnji sudija Osnovnog suda udruženog rada u Tuzli;
- **HALIČEVIĆ EMIN**, dosadašnji pomoćnik direktora Rudnika Banovići;
- **SALIHOVIĆ GORAN**, dosadašnji predsjednik Opštinskog suda za prekršaje Lukavac;
- **RISTIĆ DRAGIĆA**, diplomirani pravnik iz Tuzle.

III

Ovu odluku objaviti u "Službenom listu RBiH".
Broj 02-111-824/92
4. novembra 1992. godine
Sarajevo

Predsjednik
Predsjedništva RBiH,
Alija Izetbegović, s. r.

490

Na osnovu čl. 49. i 120. Poslovnika Predsjedništva Republike Bosne i Hercegovine, Predsjedništvo Republike Bosne i Hercegovine, na sjednici od 4. novembra 1992. godine, donijelo je

ODLUKU O IMENOVANJU REPUBLIČKOG SAVJETNIKA U PREDSEDNIŠTVU RBiH

I

Za republičkog savjetnika u Predsjedništvu Republike Bosne i Hercegovine ponovo se imenuje **ALIJA SELIMOVIĆ** i raspoređuje na poslove sekretara Komisije za predstave i prijedloge Predsjedništva Republike Bosne i Hercegovine.

II

Ovu odluku objaviti u "Službenom listu RBiH".
Broj 02-111-820/92
4. novembra 1992. godine
Sarajevo

Predsjednik
Predsjedništva RBiH,
Alija Izetbegović, s. r.

491

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici od 4. novembra 1992. godine, donijelo je

ODLUKU O IMENOVANJU DIREKTORA DIREKCIJE REPUBLIKE BOSNE I HERCEGOVINE ZA RASELJENA LICA I IZBJEGLICE

I

Za direktora Direkcije Republike Bosne i Hercegovine za raseljena lica i izbjeglice imenuje se **AMILA OMERSOFTIĆ**, dosadašnji direktor Direkcije za raseljena lica i izbjeglice.

II

Ovu odluku objaviti u "Službenom listu RBiH".
PR broj 1342/92
4. novembra 1992. godine
Sarajevo

Predsjednik
Predsjedništva RBiH,
Alija Izetbegović, s. r.

492

Na osnovu člana 20. Uredbe sa zakonskom snagom o okružnim vojnim sudovima ("Službeni list RBiH", broj 12/92),

na prijedlog ministra odbrane, Predsjedništvo Republike Bosne i Hercegovine na sjednici od 4. novembra 1992. godine, donosi

ODLUKU O IZBORU SUDIJA - POROTNIKA OKRUŽNIH VOJNIH SUDOVA

I
Za sudije-porotnike Okružnog vojnog suda u Sarajevu biraju se:

1. KURIĆ SEJFUDIN
2. ČEDIĆ BEGO
3. IVIĆ STOJAN

II
Ministarstvo odbrane regulisaće statusna i druga pitanja sudija-porotnika.

III
Ovu odluku objaviti u "Službenom listu RBiH".
PR broj 1343/92 Predsjednik
4. novembra 1992. godine Predsjedništva RBiH,
Sarajevo Alija Izetbegović, s. r.

493

SPORAZUM IZMEĐU REPUBLIKE BOSNE I HERCEGOVINE I REPUBLIKE SLOVENIJE O USTOVLAVLJANJU DIPLOMATSKIH ODNOSA IZMEĐU DVIJE DRŽAVE

Član 1.
Republika Bosna i Hercegovina i Republika Slovenija su se u skladu sa odredbama Bečke konvencije o diplomatskim odnosima iz 1961. godine sporazumjele o uspostavljanju diplomatskih odnosa između dvije države na nivou ambasadora.

Član 2.
Države će razvijati prijateljsko i suradnju u skladu s principima i odredbama iz osnivačke konvencije Ujedinjenih nacija, Zaključne konvencije KEBS iz Helsinkija i Pariške konvencije za Novu Evropu.

Član 3.
Države će što prije imenovati svoje ambasadore, a do tada će se odnositi odvijati neposredno preko ministarstava za vanjske poslove obju država.

Član 4.
Ovaj sporazum mora se odobriti na način predviđen u zakonodavstvima obju država i stupa na snagu sa danom razmjene obavještenja o njegovom odobravanju.

Zaključeno u Ljubljani, 1. oktobra 1992. godine, u dva ravnopravna originala na bosanskohercegovačkom i slovenačkom jeziku.

Član 5.
Ovaj sporazum objavljuje se u "Službenom listu Republike Bosne i Hercegovine".

Za Republiku BiH, Zure Pelivan, s. r.
Za Republiku Sloveniju, Janez Drnovšek, s. r.

494

Na osnovu člana 44. Zakona o Vladi Republike Bosne i Hercegovine ("Službeni list SRBiH", broj 33/90 i "Službeni list RBiH", broj 4/92), Vlada Republike Bosne i Hercegovine, donosi

ODLUKU O USTOVLAVLJANJU UPISA NOVIH STUDENATA NA ODSJEKU ZA OPŠTENARODNU ODBRANU FAKUL- TETA POLITIČKIH NAUKA "VELJKO VLAHOVIĆ" SARAJEVO U ŠKOLSKOJ 1992/93. GODINI

I
Na Odsjeku za opštenarodnu obranu - Fakultetu političkih nauka "Veljko Vlahović" u Sarajevu u školskoj 1992/93. godini neće se vršiti upis novih studenata na prvu godinu studija.

II
Studenti Odsjeka iz tačke I ove odluke koji su studij upisali do početka školske 1992/93. godine nastavljaju sa studijem, do konačnog rješenja statusa tog odsjeka.

III
Radno-pravni status nastavnih radnika i drugih radnika Odsjeka iz tačke I ove odluke rješavaće se u skladu sa propisima o radnim odnosima.

IV
Ova odluka stupa na snagu danom objavljivanja u "Službenom listu RBiH".

V broj 164/92 Predsjednik
4. novembra 1992. godine Vlade RBiH,
Sarajevo Jure Pelivan, s. r.

495

Na osnovu člana 7. Uredbe sa zakonskom snagom o završetku nastave u školskoj 1991/92. godini u osnovnim, srednjim i višim školama, fakultetima i umjetničkim akademijama u Republici Bosni i Hercegovini ("Službeni list RBiH", broj 4/92), Vlada Republike Bosne i Hercegovine, na prijedlog Ministarstva za obrazovanje, nauku, kulturu i sport, donosi

ODLUKU O UPISU STUDENATA I O POČETKU NASTAVE NA VISOKOŠKOLSKIM USTANOVAMA U ŠKOLSKOJ 1992/93. GODINI

I
Upis studenata na prvu godinu studija na visokoškolskim ustanovama univerziteta u Republici Bosni i Hercegovini vršić se u vremenu od 9. do 28. novembra 1992. godine, prema rasporedu i mjestu koga određuje visokoškolske ustanove.

Upis kandidata koji su u sastavu oružanih snaga Republike Bosne i Hercegovine vršić se i nakon isteka roka iz stava 1. ove tačke.

II
Nastava na visokoškolskim ustanovama univerziteta u Republici Bosni i Hercegovini u školskoj 1992/93. godini počeće kada odgovarajući univerzitet, u saradnji sa svakom visokoškolskom ustanovom, utvrdi da su za to ispunjeni bezbjednosni, kadrovski, prostorni i drugi uslovi.

III
Svaki univerzitet obavezan je da u saradnji sa Republičkim javnim fondom za visoko obrazovanje, donese:

1. Odluku o uslovima i kriterijima za upis u prvu godinu studija na visokoškolskim ustanovama u školskoj 1992/93. godini;

2. Odluku o broju novih redovnih i vanrednih studenata koji će se upisati na prvu godinu studija na visokoškolskim ustanovama u školskoj 1992/93. godini.

Odluke iz stava 1. ove tačke univerziteti su dužni da donesu do 9. novembra 1992. godine.

IV

Upis studenata u prvu godinu studija na visokoškolske ustanove vršić se putem konkursa za upis studenata u prvu godinu studija na visokoškolskim ustanovama u 1992/93. godini koga zajednički donose visokoškolske ustanove i univerziteti u Republici Bosni i Hercegovini.

V

Ova odluka stupa na snagu danom objavljivanja u "Službenom listu RBiH".

V broj 163/92 Predsjednik
4. novembra 1992. godine Vlade RBiH,
Sarajevo Jure Pelivan, s. r.

496

Na osnovu člana 13. alineja 1. Uredba sa zakonskom snagom o osnivanju Javne ustanove Klinički centar Univerzi-

teta u Sarajevu ("Službeni list RBiH", broj 15/92), Vlada Republike Bosne i Hercegovine, donijela je

ODLUKU

O IMENOVANJU UPRAVNOG ODBORA JAVNE USTANOVE KLINIČKI CENTAR UNIVERZITETA U SARAJEVU

I

Imenuje se Upravni odbor Javne ustanove Klinički centar Univerziteta u Sarajevu (u daljem tekstu: Upravni odbor) u sastavu:

1. Doc. dr ESAD DRINO - predsjednik Upravnog odbora,
2. Dr. sci. NIKOLA RUKAVINA - član,
3. Prim. dr MIHAJLO VUJOVIĆ - član,
4. Prof. dr ABDULAH KONJICIA - član,
5. Dr MIRKO PEJANOVIC - član,
6. TOMISLAV OBRDALJ - član,
7. Prim. dr ALIJA MULAOMEROVIĆ - član,
8. SLOBODAN PRIMORAC - član,
9. Prim. dr JELENA TROGRANČIĆ - član.

II

Upravni odbor razmatra i odlučuje o pitanjima iz člana 27. Uredbe sa zakonskom snagom o ustanovama ("Službeni list RBiH", broj 6/92), a naročito o pitanjima funkcionisanja, povezivanja i koordinacije svih dijelova Kliničkog centra Univerziteta u Sarajevu radi obezbjeđivanja efikasnije i racionalnije zdravstvene zaštite za vrijeme ratnog stanja.

III

Ova odluka stupa na snagu danom objavljivanja u "Službenom listu RBiH".

V broj 161/92

31. oktobra 1992. godine
Sarajevo

Predsjednik
Vlade RBiH,
Jure Pelivan, s. r.

497

Na osnovu člana 45. stav 2. Zakona o Vladi Republike Bosne i Hercegovine ("Službeni list SRBiH", broj 33/90 i "Službeni list RBiH", broj 4/92), Vlada Republike Bosne i Hercegovine, donosi

ODLUKU

O IZMJENAMA I DOPUNAMA ODLUKE O OBRAZOVANJU DRŽAVNE KOMISIJE O RAZMJENI RATNIH ZAROBLENJAKA

I

U odluci o obrazovanju Državne komisije o razmjeni ratnih zarobljenika ("Službeni list RBiH", broj 10/92), tačka IV mijenja se i glasi:

"Državna komisija ima predsjednika i zamjenika predsjednika.

Predsjednik Državne komisije je zamjenik ministra za pravosuđe i upravu".

II

U tački V u stavu 1. iz riječi "predsjednik" stavlja se zarez i dodaju riječi "zamjenika predsjednika".

Stav 3. briše se.

III

U tački VI u stavu 2. iz riječi "predsjednik", stavlja se zarez i dodaju riječi "zamjenik predsjednika".

Stav 4. briše se.

IV

U tački VII tačka 1. u alineji 4 riječi "regularnih" zamjenjuje se riječju "okružnih".

U tački VIII iz tačke 3. dodaje se nova tačka 4. koja glasi: "4. Zamjenik predsjednika komisija iz tač. 1. i 2. ove tačke, zamjenjuje predsjednika u njegovoj odsutnosti i vrši poslove i zadatke koje mu povjeri predsjednik".

VI

U tački IX iz stava 4. dodaje se novi stav 5. koji glasi:

"Zamjenike predsjednika komisija i članove komisija iz tač. IV, V i VI ove odluke postavlja se i razrješava ministar odbrane".

Stav 5, 6. i 7. postaju stavovi 6, 7 i 8.

VII

Iza tačke IX dodaju se dvije nove tačke IX a i IX b, koje glase:

"IX a.

Izvršni odbor okruga obrazuje okružnu komisiju za razmjenu ratnih zarobljenika, koja se sastoji od tri podkomisije, i to:

1. komisija za razmjenu,
2. komisija za evidenciju,
3. komisija za evidenciju nestalih.

Aktom o obrazovanju komisije iz stava 1. ove tačke, utvrđuje se nadležnost i sastav komisije.

Komisija za razmjenu i komisija za evidenciju rade pri okružnom sekretarijatu odbrane, a komisija za evidenciju nestalih radi pri Crvenom krstu okruga.

Predsjednika i članove komisije iz stava 1. tač. 1. i 2. ove tačke postavlja i razrješava izvršni odbor okruga na prijedlog sekretara okružnog sekretarijata odbrane, a komisije za evidenciju nestalih Crveni krst okruga.

Komisije iz stava 1. ove tačke dužne su izvršavati zahtjeve Državne komisije.

Odredbе tačke IX ove odluke shodno se odnose i na komisiju iz stava 1. ove tačke s tim što rješeno o prijemu u radni odnos donosi sekretar okružnog sekretarijata odbrane.

IX b.

Izvršni odbor opštine obrazuje opštinsku komisiju za razmjenu ratnih zarobljenika.

Aktom o obrazovanju utvrđuje se nadležnost, sastav, postavljenja i razrješavanja, radni odnos, lični dohodak i druga pitanja od značaja za organizaciju i rad komisije.

Opštinska komisija iz stava 1. ove tačke dužna je izvršavati zahtjeve okružne komisije za razmjenu ratnih zarobljenika i Državne komisije.

Okružna komisija za razmjenu ratnih zarobljenika vrši poslove i zadatke i za opštine koje se nalaze na privremeno zaposjednutoj teritoriji".

VIII

Ova odluka stupa na snagu danom objavljivanja u "Službenom listu RBiH".

V broj 162/92

31. oktobra 1992. godine
Sarajevo

Predsjednik
Vlade RBiH,
Jure Pelivan, s. r.

498

Na osnovu člana 49. Zakona o mjerama za unapređivanje stočarstva ("Službeni list SRBiH", br. 7/76, 32/87 i 22/91), Vlada Republike Bosne i Hercegovine, donosi

ODLUKU

O ZABRANI KLANJA KVALITETNIH PRIPLODNIH GRLA GOVEDA, OVACA, KOZA I SVINJA I PODMLATKA OVIH ŽIVOTINJA

I

Radi povećanja i unapređenja stočnog fonda u Republici Bosni i Hercegovini, zabranjuje se klanje kvalitetnih priplodnih grla goveda, ovaca, koza i svinja koja su umatičena i nalaze se pod stručnom kontrolom proizvodnih, reproduktivnih i zdravstvenih svojstava, i klanje teladi, jagnjadi, jaradi i prasadi.

II

Izuzetno, od odredbe tačke I ove odluke, klanje životinja odobriće se, ako postoji opasnost od uginuća usljed ozleda ili ugušenja, ako je liječenje oboljelog grla neekonomično, zbog dugotrajnog bolovanja, ili ako je došlo do pojave zaraznih bolesti.

Odobrenje iz stava 1. ove tačke daje opštinski organ uprave nadležan za poslove veterinarstva po prethodno pribavljenom mišljenju nadležne veterinarske stanice.

III

Stupanjem na snagu ove odluke prestaje da važi Odluka o zabrani klanja stočnog podmlatka ("Službeni list SR BiH", broj 1/83).

IV

Ova odluka stupa na snagu danom objavljivanja u "Službenom listu RBiH".

V broj 166/92

7. novembra 1992. godine
Sarajevo

Predsjednik
Vlade RBiH,
Jure Pelivan, s. r.

499

Na osnovu člana 122. Ženevske konvencije o postupanju sa ratnim zarobljenicima, koja je ratifikovana od strane Republike Bosne i Hercegovine Uredbom sa zakonskom snagom o ratifikaciji međunarodnih konvencija iz oblasti ratnog prava i pravosuda ("Službeni list RBiH", broj 16/92) u vezi sa tačkom 4. Naredbe o primjeni pravila međunarodnog ratnog prava u oružanim snagama Republike Bosne i Hercegovine ("Službeni list RBiH", broj 15/92), Vlada Republike Bosne i Hercegovine, donosi

ODLUKA

O OBRAZOVANJU KOMISIJE ZA MEĐUNARODNO
RATNO PRAVO

I

Obrazuje se Komisija za međunarodno ratno pravo (u daljem tekstu: Komisija) kao stručno i savjetodavno tijelo Vlade Republike Bosne i Hercegovine (u daljem tekstu: Vlada RBiH).

II

Osnovni zadaci Komisije su, da:

- prati razvoj ratnog prava i daje mišljenje o ratifikaciji konvencija i drugih akata ratnog prava, posebno sa stanovišta odbrane i izvršene agresije na Republiku,
- razmatra pitanja iz oblasti ratnog prava i priprema prijedloge za rješavanje tih pitanja,
- daje mišljenje na nacrt propisa (pravilnika, uputstava i dr.) za primjenu međunarodnog ratnog prava i običaja za kopno, pomorsko i vazdušno ratovanje,
- predlaže organizacione i druge mjere radi dosljedne primjene Ženevske konvencije o poboljšanju položaja ranjenika i bolesnika u oružanim sukobima u ratu od 12. avgusta 1949. godine, Ženevske konvencije o postupanju sa ratnim zarobljenicima od 12. avgusta 1949. godine, Ženevske konvencije o zaštiti gradanskih lica za vrijeme rata, od 12. avgusta 1949. godine i Dopunskih protokola uz Ženevske konvencije o zaštiti žrtvama međunarodnih oružanih sukoba (Protokol I i II) od 10. jula 1977. godine,
- razmatra pitanja naoružanja i razoružanja koja se raspravljaju u okviru Ujedinjenih nacija, sa gledišta međunarodnog ratnog prava,
- razmatra pravna pitanja u vezi sa upotrebom, odnosno zabranom upotrebe nuklearnog i hemijskog oružja i drugih sredstava masovnog uništavanja.

III

U izvršavanju svojih zadataka, Komisija sarađuje sa republičkim organima i organizacijama koje se bave tim pravom, kao i sa stručnjacima i naučnim radnicima iz oblasti međunarodnog prava.

IV

Komisija se sastoji od predsjednika, zamjenika predsjednika i deset članova koje imenuje Vlada RBiH na period od dvije godine.

Prijedlog za imenovanje Komisije sporazumno priprema: Ministarstvo odbrane, Ministarstvo inostranih poslova, Ministarstvo pravosuda i uprave i Ministarstvo unutrašnjih poslova.

V

Komisija ima sekretara kojeg postavlja Vlada RBiH.

VI

Stručne i administrativne poslove za potrebe Komisije vrši Ministarstvo odbrane.

VII

Komisija donosi poslovnik o svom radu.

VIII

Sredstva za rad Komisije obezbjeđuju se u republičkom budžetu u okviru sredstava za rad Ministarstva odbrane.

IX

Sjedište komisije je u Sarajevu.

X

Ova odluka stupa na snagu danom objavljivanja u "Službenom listu RBiH".

V broj 167

5. septembra 1992. godine
Sarajevo

Polpredsjednik
Vlade RBiH,
Hakije Turajlić, s. r.

500

Na osnovu člana 19. stav 1. Uredbe sa zakonskom snagom o ličnoj karti ("Službeni list RBiH", broj 15/92), ministar unutrašnjih poslova, donosi

PRAVILNIK

O OBRAZCU, POSTUPKU IZDAVANJA I NAČIN
VOĐENJA EVIDENCIJE O LIČNIM KARTAMA

Član 1.

Ovim pravilnikom propisuje se oblik, boja i kvalitet matrice, obrazac i sadržaj obrazca zahtjeva za izdavanje odnosno zamjenu lične karte, sadržaj i oblik potvrde o podnesenom zahtjevu za izdavanje lične karte, postupak izdavanja i zamjene lične karte, način vođenja evidencije o primljenim zahtjevima za izdavanje lične karte i izdatim ličnim kartama, način i postupak uzimanja otiska prstiju i obim izmjene izgleda lica koji povlači obaveznu zamjenu lične karte.

Član 2.

Obrazac lične karte ima oblik kartice, veličine 9×6 cm. Kartica je od punijeg papira svijetlo žute boje (pergament) a cijela površina je pokrivena rasterskom mrežicom.

Na prednjoj strani obrasca lične karte na desnoj strani u gornjem dijelu nalazi se grb Republike Bosne i Hercegovine, natpisi "Republika Bosna i Hercegovina", "Lična karta", "Osobna karta", a na lijevoj strani nalazi se mjesto za fotografiju. Na desnoj strani obrasca nalazi se mjesto za upisivanje jedinstvenog matičnog broja, imena i imena jednog od roditelja imaoce lične karte, a u donjem dijelu mjesto za upisivanje prezimena imaoce lične karte i serijski broj lične karte.

Na poleđini obrasca nalazi se mjesto za upisivanje datuma i mjesta, opštine i države rođenja, prebivališta i adrese stana, datum izdavanja, roka važnosti lične karte, registarskog broja lične karte i za potpis ovlaštenog lica.

Lična karta izdaje se na obrascu broj 1.

Član 3.

Zahtjev za izdavanje lične karte podnosi se stanicu javne bezbjednosti Ministarstva unutrašnjih poslova (u daljem tekstu: nadležna stanica) prema mjestu prebivališta podnosioca zahtjeva.

Zahtjev za izdavanje odnosno zamjenu lične karte sadrži mjesto na koje se upisuje: naziv organa kome se zahtjev podnosi; jedinstveni matični broj; ime i prezime podnosioca zahtjeva; ime jednog ili oba roditelja; dan, mjesec i godina rođenja; pol; mjesto rođenja, opština i država; prebivalište i adresa stana u vrijeme podnošenja zahtjeva; opština kod koje se podnosilac zahtjeva vodi u evidenciji državljanina; na kojem pismu želi podnosilac zahtjeva da se popuni obrazac lične karte; datum podnošenja zahtjeva i potpis podnosioca zahtjeva.

Na poleđini zahtjeva je mjesto na koje se upisuju podaci na osnovu kojih je utvrđen identitet i državljanstvo podnosioca zahtjeva.

Podaci koji se unose u obrazac zahtjeva moraju biti čitko napisani pisačom mašinom ili mastilom.

Zahtjev za izdavanje odnosno zamjenu lične karte podnosi se na obrascu 2.

Član 4.

Identitet lica koje podnosi zahtjev za izdavanje lične karte i istinitost podataka navedenih u zahtjevu za izdavanje lične karte utvrđuje se na osnovu izvoda iz matične knjige rođenih, uvjerenja o državljanstvu ili na osnovu drugih činjenica koje se vode u službenim evidencijama kod nadležne stanice odnosno drugih organa.

Identitet lica kome je ranije izdata lična karta utvrđuje se na osnovu te lične karte.

Podaci i činjenice iz stava 1. ovog člana utvrđuju se po službenoj dužnosti u slučaju da se evidencije vode kod nadležnih stanica i drugih organa u Republici Bosni i Hercegovini, a u slučaju da se te evidencije vode kod nadležnih organa u inostranstvu podnosioc zahtjeva je dužan sam, uz zahtjev za izdavanje lične karte predložiti nadležnoj stanici te dokaze.

Član 5.

Od lica koje podnosi zahtjev za izdavanje nove lične karte zbog toga što je ranije izdatu ličnu kartu izgubilo ili na drugi način ostalo bez nje, uzme se na zapisnik izvaja o okolnostima pod kojima je to lice ostalo bez ranije izdate lične karte.

Identitet i državljanstvo lica koje zahtjeva da mu se izda nova lična karta u slučaju iz stava 1. ovog člana, nadležna stanica utvrđuje na način iz stava 3. člana 4. ovog pravilnika.

Član 6.

Ako se zamjena lične karte vrši zbog toga što je u matičnoj knjizi rođenih došlo do izmjene podataka koji se upisuju u ličnu kartu, ili zbog toga što je kod podataka u ličnoj karti netačan ili pogrešno upisan, tačnost tih podataka utvrđuje se na osnovu izvoda iz matične knjige rođenih, ili na osnovu druge odgovarajuće javne isprave.

Ako se zamjena lične karte vrši zbog promjene prebivališta ili adrese stana tačnost podataka utvrđuje se na osnovu lične karte koja se zamjenjuje i potvrde o prebivalištu i adresi stana.

Član 7.

Uz zahtjev za izdavanje odnosno zamjenu lične karte prilaže se dvije istovjetne fotografije, veličine 3×3,50 cm, koje moraju vjerno prikazivati lik (izgled lica) podnosioca zahtjeva sa lica (en face), bez šešira, kape ili marame.

Izuzetno, od odredbe stava 1. ovog člana, starija lica, i to muškarci preko 60 godina i žene preko 50 godina starosti koja prema narodnom običaju nose kapu, šešir ili maramu kao sastavni dio nošnje, kao i mlada lica koja maramu nose prema vjerskom običaju, mogu priložiti fotografiju na kojoj su sa kapom, šešikom ili maramom, s tim što čelo ne smije biti pokriveno.

Fotografija iz stava 1. ovog člana može biti u crno-bijeloj boji ili koloru, s tim što ne smije biti polaroid fotografija.

Član 8.

Podaci se upisuju u ličnu kartu pisačom mašinom ili printerom.

Fotografija se naljepljuje na određenom prostoru u obrascu lične karte.

Obrasci ličnih karata oštećenih u postupku za izdavanje uništavaju se komisijski.

Član 9.

O primljenim zahtjevima za izdavanje odnosno zamjenu lične karte nadležna stanica vodi posebnu evidenciju u vidu registra - registra primljenih zahtjeva za izdavanje i zamjenu lične karte (u daljem tekstu: registar).

Registar se vodi u obliku knjige u koju se upisuje: redni broj; datum prijema zahtjeva; prezime i ime podnosioca zahtjeva i ime jednog od roditelja; dan, mjesec i godina rođenja; opština i država; jedinstveni matični broj; oznaka serije i serijski broj lične karte. Registar sadrži i rubriku za napomene.

Zahtjev za izdavanje odnosno zamjenu lične karte upisuje se u registar po redu prijema. Redni broj pod kojim je zahtjev upisan u registar upisuje se u ličnu kartu kao registarski broj te

lične karte. Zahtjevi se slažu po rednom broju i čuvaju najmanje dvije godine, a zatim se komisijski uništavaju.

Ako su podaci u registru pogrešno upisani, službeno lice će ih precrutati tako da upis ostane jasan, i upisati tačne podatke. Ispravka se konstatuje u prostoru za napomene.

Registar se čuva trajno.

Član 10.

Ako nadležna stanica ne izda odmah ličnu kartu podnosiocu zahtjeva, izdaće mu potvrdu o podnijetom zahtjevu za izdavanje - zamjenu lične karte u kojoj se za podnosioca zahtjeva navode sljedeći podaci: ime, prezime i ime jednog od roditelja, jedinstveni matični broj, mjesto rođenja, opština i država, prebivalište i adresa stana. Pored ovih podataka potvrda sadrži konstataciju da je odnosno lice podnijelo zahtjev za izdavanje - zamjenu lične karte kod tog organa i upisuje se registarski broj i datum izdavanja potvrde.

Potvrda iz stava 1. ovog člana ovjerava se potpisom službenog lica i pečatom nadležne stanice.

Obrasci potvrde nalazi se u donjem dijelu obrasca broj 2. i izdaje se razdvajanjem tih dijelova obrasca.

Član 11.

Kada nadležna stanica izda ili zamijeni ličnu kartu, obavijestuje o tome, u roku od 15 dana, od dana izdavanja odnosno zamjene lične karte stanicu javne bezbjednosti koja je izdala raniju ličnu kartu.

Stanica javne bezbjednosti koja je izdala raniju ličnu kartu, u registar i karton, na mjesto za upisivanje napomena i promjena, unijet će zabilješku da je izdata nova lična karta, oznaku serije i serijski broj, registarski broj i naziv stanice koja je izdala novu ličnu kartu.

Član 12.

Evidencija o izdatim ličnim kartama vodi se u obliku kartoteke.

Za svaku izdatu ličnu kartu popunjava se karton o izdatoj ličnoj karti (u daljem tekstu: karton) koji se u kartoteku ulaže po abecednom ili azbučnom redu prezimena lica kome je izdata lična karta.

Karton sadrži mjesto na koje se upisuje: jedinstveni matični broj; prezime, ime i ime jednog ili oba roditelja; mjesto, opština i država rođenja; prebivalište i adresa; registarski broj; serija i serijski broj; datum izdavanja i rok važenja; mjesto za fotografiju i otisak desnog kažiprsta; potpis imaoa lične karte i potpis službenog lica.

Poledina kartona sadrži mjesto za upisivanje isprava na osnovu kojih je utvrđen identitet i državljanstvo (izvod iz matične knjige rođenih, ranije izdata lična karta, uvjerenje o državljanstvu i sl.).

Karton je po pravilu veličine 10×15 cm i popunjava se pisačom mašinom, a promjena podataka može se upisati i mastilom, štampanim slovima.

U slučaju promjene ličnog imena službeno lice popuniće drugi karton sa zabilješkom (npr. "Promijenio lično ime. Za isto lice postoji karton pod ličnim imenom _____"), a zatim će karton uložiti na odgovarajuće mjesto u kartoteci. Na ranijem kartonu takođe će se upisati odgovarajuća zabiljška (npr. "Rješenjem _____

(naziv organa)

broj _____ promijenio lično ime. Novi karton pod ličnim imenom _____").

Kartoni za umrla lica izdvajaju se i ulažu poseban odjeljak (pasivna kartoteka ličnih karata) pošto se na karton stavi konstatacija da je odnosno lice umrlo, datum smrti, broj upisa činjenice smrti u matičnoj knjizi umrlih za mjesto za koje se vodi ta matična knjiga, datum upisa ove konstatacije i potpis službenog lica (npr. Umro-la 28. 4. 1992. godine. Činjenica smrti upisana u matičnu knjigu umrlih za naseljeno mjesto _____ pod rednim brojem _____).

Kartoni umrlih lica čuvaju se najmanje deset godina.

U pasivnu kartoteku ličnih karata izdvajaju se i kartoni zamijenjenih ličnih karata nakon dobijanja obavještenja od druge stanice javne bezbjednosti da je izdata nova lična karta zbog promjene prebivališta. Na kartonu se upisuje odgovara-

juća zabilješka (npr. "SJB _____ izdala novu ličnu kartu broj _____"). Ovaj karton se čuva najmanje pet godina.

Zabranjeno je brisanje ili na drugi način uklanjanje podataka u kartonu.

Karton o izdatoj ličnoj karti popunjava se na obrascu broj 3.

Član 13.

Od lica kome se izdaje lična karta službeno lice uzima otisak kažiprsta desne ruke.

Ako lice nema kažiprst desne ruke, uzima se otisak palca odnosno sljedećeg prsta desne ruke koji ima, ako nema desnu ruku, uzima se otisak kažiprsta lijeve ruke odnosno otisak drugog prsta istim redom kao kod desne ruke.

Otisak se uzima na kartonu valjanjem prsta u jednom pravcu od jedne do druge bočne strane prsta.

Ako je zbog nedostataka kažiprsta desne ruke uzet otisak nekog drugog prsta, službeno lice dužno je da pored otiska prsta na kartonu stavi zabilješku o tome s kojeg prsta i koje ruke je uzeo otisak.

Ako lice kome se izdaje lična karta nema obje ruke odnosno nema prsta nijedne ruke, to se konstatuje na mjestu određenom za otisak prsta.

Član 14.

Nakon izdavanja nove odnosno zamjene lične karte formira se novi karton, a stari se izdava u pasivnu kartoteku i čuva najmanje pet godina, a zatim se komisijski uništava.

Član 15.

Zamijenjena lična karta se poništava ili uništava. Na zahtjev imaoca lične karte poništena lična karta mu se vraća.

Poništavanje lične karte vrši se bušenjem obrasca. Uništavanje lične karte vrši se komisijski.

Član 16.

Lična karta umrlog predaje se nadležnoj stanici. Na zahtjev članova porodice nadležna stanica predaje im ličnu kartu umrlog nakon što je poništi.

Ako se lična karta umrlog preda stanici javne bezbjednosti koja je nije izdala obavijestiti će o tome nadležnu stanicu koja je izdala tu ličnu kartu i dostaviti joj je, ukoliko je nakon poništenja ne vrati članovima porodice.

Član 17.

Bitnom izmjenom izgleda lica zbog koje se lična karta mora zamijeniti smatraju se trajne izmjene izgleda lica nastale usljed fizičkog ili hemijskog dejstva, bolesti ili prirodnog biološkog procesa, zbog kojih je očigledno onemogućeno ili otežano prepoznavanje tog lica upoređivanjem sa fotografijom na ličnoj karti.

Bitnom izmjenom izgleda u smislu stava 1. ovog člana smatraju se i razlike između izgleda lica na fotografiji lične karte i stvarnog izgleda koje nastanu usljed većih promjena u pogledu držanja kose ili brkova i brade, zbog čega je nemoguće otežano prepoznavanje tog lica upoređivanjem sa fotografijom na ličnoj karti.

Član 18.

Registri vođeni na osnovu člana 16. stav 1. Uredbe o ličnim kartama ("Službeni list FNJR", broj 49/48), na osnovu člana 5. stav 2. Pravilnika o izdavanju i zamjeni lične karte i o evidencijama o izdatim ličnim kartama ("Službeni list SFRJ", broj 17/66), na osnovu člana 18. Zakona o ličnoj karti ("Službeni list SRBiH", br. 17/75, 25/81, 38/86, 37/88 i 33/90) i na osnovu člana 9. Pravilnika o obrascu, postupku izdavanja i načinu vođenja evidencije o ličnim kartama ("Službeni list SRBiH", br. 23/75 i 8/88), čuvaju se trajno.

Član 19.

Obrasci br. 1 do 3. odštampani su uz ovaj pravilnik i čine njegov sastavni dio.

Član 20.

Danom stupanja na snagu ovog pravilnika prestaje da važi Pravilnik o obrascu, postupku izdavanja i načinu vođenja evi-

dencije o ličnim kartama ("Službeni list SRBiH", br. 23/75 i 8/88).

Član 21.

Ovaj pravilnik stupa na snagu osmog dana od dana objavljivanja u "Službenom listu RBiH".

Broj 10-613/92
28. oktobra 1992. godine
Sarajevo

Ministar
unutrašnjih poslova,
Jusuf Pušina, s. r.

REPUBLIKA BOSNA I HERCEGOVINA POSREDOVANJE U PROMETU NEPOKRETNOSTI	
LIČNA KARTA OSOBNOSTNA KARTA ЛИЧНА КАРТА	
Mjesto za fotografiju 3 x 3,5 cm	Jedinstveni matični broj - ЈЕДИНСТВЕНИ МАТИЧНИ БРОЈ
Ime - Име	
Ime roditelja - Име родитеља	
Prezime - Презиме	ВНО0000000

Obrazac broj 1 (prednja strana)

Datum i mjesto rođenja - Датум и мјесто рођења	
Općina i država rođenja - Општина и држава рођења	
Prebivalište - Пробивалиште	
Adresa stana - Адреса стана	
Datum izdavanja - Датум издавања Rok važenosti - Рок вазносни	
Registarski broj - Регистрацки број	Ovlašćeno lice - Овлашћено лице

Obrazac broj 1 (poledina)

MINISTARSTVO UNUTRAŠNJIH POSLOVA Obrazac broj 2
MINISTARSTVO UNUTARNJIH POSLOVA (Prednja strana)

Stanica javne bezbjednosti

ZAHTJEV ZA IZDAVANJE - ZAMJENU LIČNE KARTE
ЗАХТЈЕВ ЗА ИЗДАВАЊЕ - ЗАМЈЕНУ ОСОБНЕ KARTE

Jedinstveni matični broj

1. IME I PREZIME	
2. Ime jednog ili oba roditelja	oca majke
3. Datum rođenja	
4. Pol: muški ili ženski	
5. Mjesto rođenja	Mjesto - naselja Opština Država

6.	Prebivalište i adresa	Mjesto - naselje
		Opština
		Ulica i broj
7.	Opština u kojoj se vodi u evidenciji državljanina	
8.	Pismo na kojem podnosioc zahtjeva želi da se popuni obrazac lične karte	

..... 19..... godine
(Potpis podnosioca zahtjeva)

NAPOMENA:

- U zahtjevse moraju navesti istiniti podaci, čitko ispisani pisaćom mašinom ili štampanim slovima
- Pod prebivalištem (rubrika broj 6) podrazumijeva se mjesto u kome se lice nastanilo sa namjerom da u njemu stalno živi;
- Lice koje ne zna u kojoj opštini se vodi u evidenciji državljanina (rubrika broj 7) treba da navede sva mjesta (i opštine) u kojima je imalo prebivalište od 1948. godine

POTVRDA O PODNIJETOM ZAHTEJEU ZA
IZDAVANJE - ZAMJENU LIČNE KARTI - OSOBNE KARTI

Jedinstveni matični broj

(ime, ime jednog roditelja i prezime)

(mjesto, opština i država rođenja) (prebivalište i adresa stana)

Podnio-la je zahtjev za izdavanje - zamjenu lične karte.

(M.P.)

Registar broj

Potvrda izdata 19..... god.

(Potpis službenog lica)

Obrazac broj 2
(Poledina)

Registarski broj

Upisan-a u matičnoj knjizi rođenih za naseljeno mjesto

Opština za godinu na strani

pod rednim brojem

Upisan-a u knjizi državljanina u Opština

Država

Ranija lična karta izdata od registarski broj

...../19..... god.

Datum 19..... godine.

Identitet podnosioca zahtjeva i druge činjenice utvrdio.

(Potpis službenog lica)

Obrazac broj 3

(Prethodna strana)

KARTON LIČNE KARTI - OSOBNE KARTI	
Mjesto za fotografiju (3 x 3,5 cm)	(jedinstveni matični broj)
	(prezime)
	(ime)
	(ime jednog ili oba roditelja)
	(reg. broj)
ROD - A	(serija i ser. broj)
	(datum izdavanja)
	(rok važenja)
	(mjesto)
OTISAK DESNOG KAZIPRSTA	(opština)
	(država)
	(prebivalište i adresa)
	(potpis imaoa lične karte)
	(potpis službenog lica)

Obrazac broj 3

(Prethodna)

Identitet i državljanstvo utvrđeni su na osnovu:

- izvoda iz matične knjige rođenih (vjenčanih)
Opštine mjesni ured
za godinu
na strani pod red.br.

- lične karte od SJB:
serija i ser.br.
reg. br.
izdatoj godinu

- uvjerenje o državljanstvu opštine
mjesni ured
upis na strani
pod red. br.

501

Na osnovu člana 37. stav 5. Zakona o zaštiti civilnih žrtava rata - Prečišćeni tekst ("Službeni list RBiH", br. 34/84, 41/87, 41/89 i 33/90), ministar za rad i socijalnu politiku, izdaje

NAREDBU

O USKLADIVANJU MJESEČNIH NOVČANIH IZNOSA CIVILNE INVALIDNINE I DODATKA ZA NJEGU I POMOĆ DRUGOG LICA OD 1. AVGUSTA 1992. GODINE

1. Mjesečni novčani iznosi civilne invalidnine i dodatka za njegu i pomoć drugog lica od 1. avgusta 1992. godine iznose:

1) Civilna invalidnina

I grupa - 100% tjelesnog oštećenja za lica kojima je za osnovne životne potrebe potrebna njega i pomoć drugog lica 6.391,00 dinara;

II grupa - 100% tjelesnog oštećenja 4.629,00 dinara;

III grupa - 90% tjelesnog oštećenja 3.490,00 dinara;

IV grupa - 80% tjelesnog oštećenja 2.589,00 dinara;

V grupa - 70% tjelesnog oštećenja 1.845,00 dinara;

VI grupa - 60% tjelesnog oštećenja 1.142,00 dinara;

2) Dodatak za njegu i pomoć drugog lica 4.216,00 dinara.

2. Ova naredba stupa na snagu narednog dana od dana objavljivanja u "Službenom listu RBiH", a tačka 1. primjenjuje se od 1. avgusta 1992. godine.

Broj 04/02-534-60/92

5. novembra 1992. godine

Ministar

za rad i socijalnu politiku,

Sarajevo

Martin Raguz, s. r.

Ustavni sud Bosne i Hercegovine

Ustavni sud Bosne i Hercegovine, na osnovu člana 387. stav 1. tačka 3. Ustava Republike Bosne i Hercegovine i člana 72. tačka 3. Poslovnika Ustavnog suda Bosne i Hercegovine ("Službeni list RBiH", broj 1/91 i "Službeni list RBiH", broj 8/92), na sjednici održanoj 10. septembra 1992. godine, donio je

ODLUKU

Ukida se odredba člana 51. Pravilnika o ličnim dohocima Društvenog preduzeća za niskogradnju "2. OKTOBAR" Tuzla, od 13. 6. 1991. godine.

Ova odluka objavljuje se u "Službenom listu RBiH" i Društvenom preduzeću za niskogradnju "2. OKTOBAR" Tuzla, na način predviđen za objavljivanje opštih akata.

O b r a z l o ž e n j e

Rješenjem Ustavnog suda Bosne i Hercegovine od 19. 12. 1991. godine, pokrenut je postupak za ocjenjivanje zakonitosti odredbe člana 51. navedenog pravilnika, kojom je utvrđeno da se u Preduzeću izdavanjem sredstava u visini od 1% neto ličnog dohotka radnika formira Fond solidarnosti, a način organizovanja i korištenja ovih sredstava regulise se posebnim pravilnikom.

Prema Zakonu o osnovnim pravima iz radnog odnosa ("Službeni list SFRJ", br. 60/89 i 42/90) koji je Uredbom sa zakonskom snagom o preuzimanju i primjenjivanju saveznih zakona, koji se u Bosni i Hercegovini primjenjuju kao republički zakoni ("Službeni list RBiH", broj 2/92) preuzet, radniku pripada lični dohodak za rad u skladu sa opštim aktom usklađenim sa društvenim dogovorom, odnosno kolektivnim ugovorom i zakonom. Radniku pripada lični dohodak kao dio dohotka, odnosno dobiti koji je srazmjeran doprinosu radnika u stvaranju tog dohotka, u skladu sa opštim aktom, odnosno kolektivnim ugovorom (član 49. stav 1. i 2.).

Polazeći od navedenih zakonskih odredaba po ocjeni Ustavnog suda, osporena odredba člana 51. Pravilnika o suptotnosti je sa zakonom, jer je opštim aktom o ličnim dohocima utvrđeno da se iz neto ličnog dohotka radnika izdvaja određeni iznos sredstava radi formiranja Fonda solidarnosti.

Na osnovu izloženog odlučeno je kao u dispozitivu ove odluke.

U broj 127/91

10. septembra 1992. godine

Sarajevo

Predsjednik

Ustavnog suda BiH,

dr Ismet Dautbašić, s. r.

Narodna Banka Bosne i Hercegovine

Na temelju člana 80. Zakona o Narodnoj banci Jugoslavije i jedinstvenom monetarnom poslovanju narodnih banaka republika i narodnih banaka autonomnih pokrajina ("Službeni list SFRJ", br. 34/89, 88/89, 61/90, 63/90 i 96/91), člana 4. stava 3. Zakona o bankama i drugim finansijskim organizacijama ("Službeni list SFRJ", br. 10/89, 40/89, 87/89, 18/90 i 72/90), Uredbe sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakoni, u dijelu člana 1. poglavlja 1. točke 1. podtočke 18. ("Službeni list RBiH", broj 2/92) i članova 2. i 5. Uredbe sa zakonskom snagom o primjeni Zakona o Narodnoj banci Bosne i Hercegovine za vrijeme ratnog stanja ili u slučaju neposredne ratne opasnosti ("Službeni list RBiH", broj 6/92), guverner Narodne banke Bosne i Hercegovine donosi

ODLUKU

O UTVRĐIVANJU VISINE MINIMALNOG IZNOSA OSNIVAČKOG FONDA BANKE

1. Ovom Odlukom utvrđuje se da osnivački fond banke ne može biti manji od 1.500.000 BHD.

2. Na postupke izdavanja dozvola za osnivanje banaka započete do dana stupanja na snagu ove Odluke primjenjivat će se odredbe Odluke o utvrđivanju visine minimalnog iznosa osnivačkog fonda banke koja se osniva ("Službeni list SFRJ", broj 9/92).

3. Banka koje su od Narodne banke Bosne i Hercegovine dobile dozvolu za osnivanje prije stupanja na snagu ove Odluke, a koje ne ispunjavaju uslov iz točke 1. ove Odluke, dužne su da isti ispunje najkasnije u roku propisanom ovom Odlukom.

Ispunjavanje propisane visine osnivačkog fonda vršit će se tromjesečno za najmanje 25% nedostajućih sredstava i to, po obračunima koji slijede nakon stupanja na snagu ove Odluke.

4. Danom stupanja na snagu ove Odluke prestaje da važi Odluka o utvrđivanju visine minimalnog iznosa osnivačkog fonda banke koja se osniva ("Službeni list SFRJ", broj 9/92).

5. Ova Odluka stupa na snagu danom objavljivanja "Službenom listu RBiH".

G broj 26/92

29. oktobra 1992. godine

Sarajevo

Guverner

Narodne banke BiH

prof. dr Stjepo Anđrić, s. r.

Republički javni fond

za socijalnu i dječiju zaštitu

Na osnovu člana 10. stav 3. Zakona o dječijoj zaštiti ("Službeni list RBiH", broj 39/84) i čl. 3. i 6. Uredbe sa zakonskom snagom o socijalnoj i dječijoj zaštiti za vrijeme ratnog stanja ili u slučaju neposredne ratne opasnosti ("Službeni list RBiH", broj 16/92), direktor Republičkog javnog fonda za socijalnu i dječiju zaštitu Sarajeva, donosi

ODLUKU

O USLOVIMA I IZNOSIMA DODATKA ZA DJECU ZA PRIPADNIKE ORUŽANIH SNAGA REPUBLIKE BOSNE I HERCEGOVINE ZA VRIJEME RATNOG STANJA ILI U SLUČAJU NEPOSREDNE RATNE OPASNOSTI

I - OPŠTE ODREDBE

Član 1.

Ovom odlukom utvrđuju se uslovi za sticanje prava za dodatak za djecu, iznosi dodatka za djecu i način obračuna i isplate dodatka za djecu za pripadnike oružanih snaga Republike Bosne i Hercegovine (u daljem tekstu: pripadnik oružanih snaga).

II - POSEBNE ODREDBE

a) Uslovi za sticanje i ostvarivanje prava na dodatak na djecu

Član 2.

Pripadnik oružanih snaga ostvaruje pravo na dodatak na djecu, bez obzira na imovinske uslove (cenzus prihoda) za

sticanje prava na dodatak na djecu, utvrđene u Odluci o visini prihoda od kojih zavisi ostvarivanje prava na dodatak na djecu i iznosa dodatka na djecu ("Službeni list RBiH", broj 25/91).

Član 3.

Pravo na dodatak na djecu u smislu prethodnog člana 2. ove odluke može ostvariti i bračni drug odnosno djeca poginulog ili umrolog pripadnika oružanih snaga.

Za dijete koje je pripadnik oružanih snaga ne pripada pravo na dodatak na djecu, ako je i roditelj tog djeteta pripadnik oružanih snaga.

Član 4.

Pripadnik oružanih snaga koji je korisnik dodatka na djecu na osnovu rješenja o priznavanju prava na dodatak na djecu iz osnovna radnog odnosa i iz drugog osnovu iz člana 14. Zakona o dječijoj zaštiti, ima pravo na dodatak na djecu po osnovu iz ove odluke.

Rješenje o priznavanju prava na dodatak na djecu na osnovu ove odluke stavlja se van snage rješenje iz stava 1. ovog člana.

Član 5.

Pravo na dodatak na djecu ostvaruje se na zahtjev pripadnika oružanih snaga, bračnog druga odnosno djece poginulog ili umrolog pripadnika oružanih snaga (u daljem tekstu: podnosioc zahtjeva).

Zahtjev za ostvarivanje prava na dodatak na djecu podnosi se opštinskom fondu za socijalnu i dječiju zaštitu odnosno Gradskom fondu za dječiju zaštitu Sarajevo, na čijem području je sjedište službe jedinice u kojoj se pripadnik oružanih snaga nalazi ili nalazio, odnosno kod koje pripadnik oružanih snaga ostvaruje platu.

Član 6.

Uz zahtjev za ostvarivanje prava na dodatak na djecu podnosi se dokaz jedinice u kojoj se pripadnik oružanih snaga nalazi odnosno nalazio prije nastupanja smrti da je određeno lice pripadnik oružanih snaga, za djecu izvod iz matične knjige rođenih i ukoliko je dijete starije od 15 godina života dokaz da ima odnosno da je imao status redovnog učenika, ili studenta.

Član 7.

Po zahtjevu za ostvarivanje prava na dodatak na djecu rješava opštinski fond za socijalnu i dječiju zaštitu, odnosno Gradski fond za dječiju zaštitu Sarajevo, na čijem području je sjedište službe jedinice u kojoj se pripadnik oružanih snaga nalazi ili nalazio, odnosno kod koje pripadnik oružanih snaga ostvaruje platu.

Član 8.

Po zahtjevu može se donijeti rješenje o priznavanju prava na dodatak na djecu bez dokaza - izvoda iz matične knjige rođenih za djecu i dokaz o redovnom obrazovanju i vaspitanju za djecu stariju od 15 godina života, kada se radi o podnosiocu zahtjeva koji ima status izbjeglice odnosno raseljenog lica.

Dokazi iz stava 1. ovog člana obezbjeđuju se putem izjave podnosioca zahtjeva koju ovjerava služba jedinice u kojoj se pripadnik oružanih snaga nalazi odnosno nalazio.

b) Iznosi dodatka na djecu

Član 9.

Dodatak na djecu utvrđuje se u istom iznosu za svu djecu pripadnika oružanih snaga i po djetetu iznosi 50% zajamčenog ličnog dohotka ostvarenog u Republici Bosni i Hercegovini u mjesecu za koji se vrši isplata dodatka na djecu.

Član 10.

Rješenjem o priznavanju prava na dodatak na djecu, iznosi dodatka na djecu u smislu člana 9. ove odluke utvrđuju se u apsolutnom iznosu.

Dalje usklađivanje iznosa dodatka na djecu sa iznosom zajamčenog ličnog dohotka iz člana 9. ove odluke izvršice se po službenoj dužnosti bez donošenja rješenja.

c) Obračun i isplata dodatka na djecu

Član 11.

Obračun dodatka na djecu vrši služba jedinice u kojoj se pripadnik oružanih snaga nalazi svakog mjeseca za protekli

mjesec na osnovu rješenja o priznavanju prava na dodatak na djecu.

Na osnovu podataka iz rješenja o priznavanju prava na dodatak na djecu služba iz stava 1. ovog člana sačinjava spisak korisnika dodatka na djecu na propisanom obrascu - listu i isti dostavlja opštinskom fondu za socijalnu i dječiju zaštitu, odnosno Gradskom fondu za dječiju zaštitu Sarajevo.

Spisak korisnika dodatka za djecu čini osnov za obezbjeđenje sredstava za dodatak na djecu.

Član 12.

Isplatu dodatka na djecu u pravilu vrši služba jedinice u kojoj se pripadnik oružanih snaga nalazi uz isplatu plate.

Ukoliko služba iz stava 1. ovog člana nije u mogućnosti vršiti isplatu dodatka na djecu, isplatu dodatka na djecu obezbjeđuje opštinski fond za socijalnu i dječiju zaštitu, odnosno Gradski fond za dječiju zaštitu Sarajevo.

Član 13.

Obračun i isplatu dodatka na djecu za lica iz člana 3. stav 1. ove odluke vrši opštinski fond za socijalnu i dječiju zaštitu, odnosno Gradski fond za dječiju zaštitu Sarajevo.

III - ZAVRŠNE ODREDBE

Član 14.

Ova odluka stupa na snagu danom objavljivanja u "Službenom listu RBiH".

Broj 01-14-10/92

29. oktobra 1992. godine

Sarajevo

V. d. direktor

Fonda,

Hasan Musemić, s. r.

=====

Zavod za statistiku Bosne i Hercegovine

Na osnovu člana 85. tač. 1 do 11 Uredbe sa zakonskom snagom o računovodstvu ("Službeni list RBiH", broj 2/92), Zavod za statistiku utvrđuje

KOEFICIJENTE

RASTA CIJENA I KOEFICIJENT RASTA TROŠKOVA ŽIVOTA U REPUBLICI BOSNI I HERCEGOVINI

1. Mjesečni koeficijent rasta cijena proizvođača industrijskih proizvoda u junu 1992. godine u odnosu na maj 1992. godine je 1,238.

2. Koeficijent rasta cijena proizvođača industrijskih proizvoda od početka godine do kraja juna je 22,063.

3. Koeficijent prosječnog mjesečnog rasta cijena proizvođača industrijskih proizvoda od početka godine do kraja juna je 14,755.

4. Koeficijent rasta cijena proizvođača industrijskih proizvoda u junu 1992. godine u odnosu na isti mjesec prethodne godine je 58,333.

5. Koeficijent rasta cijena na malo u junu 1992. godine u odnosu na maj 1992. godine je 3,221.

6. Koeficijent rasta cijena na malo od početka godine do kraja juna je 23,38.

7. Koeficijent prosječnog mjesečnog rasta cijena na malo od početka godine do kraja juna je 15,887.

8. Koeficijent rasta cijena na malo u junu 1992. godine u odnosu na isti mjesec prethodne godine je 78,668.

9. Koeficijent rasta prosječnih troškova života u Republici Bosni i Hercegovini od početka godine do kraja juna 1992. godine u odnosu na prosjek troškova života u Republici Bosni i Hercegovini u 1991. godini je 18,466.

Broj III/04-061.4-110/9

29. oktobra 1992. godine

Sarajevo

Direktor,

dr Hasan Zolić, s. r.

=====

Na osnovu člana 85. tač. 1 do 11 Uredbe sa zakonskom snagom o računovodstvu ("Službeni list RBiH", broj 2/92), Zavod za statistiku utvrđuje

KOEFICIJENTE**RASTA CIJENA I TROŠKOVA ŽIVOTA
U REPUBLICI BOSNI I HERCEGOVINI ZA JULI
1992. GODINE**

1. Mjesečni koeficijent rasta cijena proizvođača industrijskih proizvoda u julu 1992. godine u odnosu na juni 1992. godine je 1,462.
2. Koeficijent rasta cijena proizvođača industrijskih proizvoda od početka godine do kraja jula je 55,78.
3. Koeficijent prosječnog mjesečnog rasta cijena proizvođača industrijskih proizvoda od početka godine do kraja jula je 43,404.
4. Koeficijent rasta cijena proizvođača industrijskih proizvoda u julu 1992. godine u odnosu na isti mjesec prethodne godine je 135,495.
5. Koeficijent rasta cijena na malo u julu 1992. godine u odnosu na juni 1992. godine je 3,516.
6. Koeficijent rasta cijena na malo od početka godine do kraja jula je 161,515.
7. Koeficijent prosječnog mjesečnog rasta cijena na malo od početka godine do kraja jula je 58,677.
8. Koeficijent rasta cijena na malo u julu 1992. godine u odnosu na isti mjesec prethodne godine je 361,447.
9. Koeficijent rasta prosječnih troškova života u Republici Bosni i Hercegovini od početka godine do kraja jula 1992. godine u odnosu na prosjek troškova života u Republici Bosni i Hercegovini u 1991. godini je 77,511.

Broj 100

5. novembra 1992. godine
SarajevoDirektor,
dr Hasan Zolić, s. r.

=====

Na osnovu člana 85. tač. 1 do 11 Uredbe sa zakonskom snagom o računovodstvu ("Službeni list RBiH", broj 2/92), Zavod za statistiku utvrđuje

KOEFICIJENTE**RASTA CIJENA I TROŠKOVA ŽIVOTA
U REPUBLICI BOSNI I HERCEGOVINI ZA AVGUST
1992. GODINE**

1. Mjesečni koeficijent rasta cijena proizvođača industrijskih proizvoda u avgustu 1992. godine u odnosu na juli 1992. godine je 1,633.
2. Koeficijent rasta cijena proizvođača industrijskih proizvoda od početka godine do kraja avgusta je 154,18.
3. Koeficijent prosječnog mjesečnog rasta cijena proizvođača industrijskih proizvoda od početka godine do kraja avgusta je 92,804.
4. Koeficijent rasta cijena proizvođača industrijskih proizvoda u avgustu 1992. godine u odnosu na isti mjesec prethodne godine je 348,323.
5. Koeficijent rasta cijena na malo u avgustu 1992. godine u odnosu na juli 1992. godine je 4,058.
6. Koeficijent rasta cijena na malo od početka godine do kraja avgusta je 859,352.
7. Koeficijent prosječnog mjesečnog rasta cijena na malo od početka godine do kraja avgusta je 260,605.
8. Koeficijent rasta cijena na malo u avgustu 1992. godine u odnosu na isti mjesec prethodne godine je 1762,269.
9. Koeficijent rasta prosječnih troškova života u Republici Bosni i Hercegovini od početka godine do kraja avgusta 1992. godine u odnosu na prosjek troškova života u Republici Bosni i Hercegovini u 1991. godini je 395,155.

Broj 101

5. novembra 1992. godine
SarajevoDirektor,
dr Hasan Zolić, s. r.

=====

Na osnovu člana 85. tač. 1 do 11 Uredbe sa zakonskom snagom o računovodstvu ("Službeni list RBiH", broj 2/92), Zavod za statistiku utvrđuje

KOEFICIJENTE**RASTA CIJENA I TROŠKOVA ŽIVOTA U REPUBLICI
BOSNI I HERCEGOVINI ZA SEPTEMBAR 1992.
GODINE**

1. Mjesečni koeficijent rasta cijena proizvođača industrijskih proizvoda u septembru 1992. godine u odnosu na avgust 1992. godine je 1,519.
2. Koeficijent rasta cijena proizvođača industrijskih proizvoda od početka godine do kraja septembra je 343,645.
3. Koeficijent prosječnog mjesečnog rasta cijena proizvođača industrijskih proizvoda od početka godine do kraja septembra je 159,619.
4. Koeficijent rasta cijena proizvođača industrijskih proizvoda u septembru 1992. godine u odnosu na isti mjesec prethodne godine je 650,874.
5. Koeficijent rasta cijena na malo u septembru 1992. godine u odnosu na avgust 1992. godine je 3,301.
6. Koeficijent rasta cijena na malo od početka godine do kraja septembra je 934,543.
7. Koeficijent prosječnog mjesečnog rasta cijena na malo od početka godine do kraja septembra je 934,543.
8. Koeficijent rasta cijena na malo u septembru 1992. godine u odnosu na isti mjesec prethodne godine je 6268,184.
9. Koeficijent rasta prosječnih troškova života u Republici Bosni i Hercegovini od početka godine do kraja septembra 1992. godine u odnosu na prosjek troškova života u Republici Bosni i Hercegovini u 1991. godini je 1639,455.

Broj 102

5. novembra 1992. godine
SarajevoDirektor
dr Hasan Zolić, s. r.**SLUŽBENE OBJAVE****KONKURSI**

Na osnovu člana 9. Zakona o osnovnim pravima iz radnog odnosa generalni direktor Kliničkog centra Univerziteta u Sarajevu, donosi Odluku o objavljivanju

KONKURS

Vrsta specijalizacije	Broj izvršilaca
1. ljekar na specijalizaciji iz neurohirurgije	3
2. ljekar na specijalizaciji iz plastične i rekonstruktivne hirurgije	7
3. ljekar na specijalizaciji iz dječije hirurgije	3
4. ljekar na specijalizaciji iz opšte hirurgije	16
5. ljekar na specijalizaciji iz maksilofacijalne hirurgije	3
6. ljekar na specijalizaciji iz interne medicine	10
7. ljekar na specijalizaciji iz anestezije i reanimacije	30
8. ljekar na specijalizaciji iz infektologije	3
9. ljekar na specijalizaciji iz ginekologije i akušerstva	5
10. ljekar na specijalizaciji iz urologije	5
11. ljekar na specijalizaciji iz ortopedije	10
12. ljekar na specijalizaciji iz otorinolaringologije	2
13. ljekar na specijalizaciji iz oftalmologije	3
14. ljekar na specijalizaciji iz dermatovenerologije	6
15. ljekar na specijalizaciji iz kliničke bihemije	5
16. ljekar na specijalizaciji iz pedijatrije	5
17. ljekar na specijalizaciji iz neuropsihijatrije	3
18. ljekar na specijalizaciji iz nuklearne medicine	4
19. ljekar na specijalizaciji iz fizijatrije	4
20. ljekar na specijalizaciji iz mikrobiologije	5

Na osnovu člana 171. Zakona o zdravstvenoj zaštiti ("Službeni list RBiH", br. 18/86, 17/89 i 38/90) svi prijavljeni kandidati na ovaj konkurs moraju ispunjavati sljedeće uslove:
- VSS-VII 1 stepen složenosti-Medicinski fakultet
- položen stručni ispit i 2 godine radnog iskustva

- aktivno znanje stranog jezika.

Specijalizacije pod rednim brojem četiri predviđene su za potrebe: torakalne, abdominalne, traumatološke i vaskularne hirurgije.

Specijalizacije pod rednim brojem šest predviđene su za potrebe: endokrinologije, kardiologije, nefrologije, gastroenterologije i onkologije.

Prijave na konkurs sa dokazima da kandidat ispunjava uslove potrebno je dostaviti na adresu:

Klinički centar Univerziteta u Sarajevu, Moše Pijade broj 25 Sarajevo.

Konkurs ostaje otvoren 15 dana od dana objavljivanja. Nepotpune i neblagovremene prijave neće se uzeti u razmatranje. (463-so)

SADRŽAJ

480	Uredba sa zakonskom snagom o matičnim knjigama	553	497	Odluka o izmjenama i dopunama Odluke o obrazovanju Državne komisije o razmjeni ratnih zarobljenika	560
481	Odluka o postavljenju ambasadora Republike Bosne i Hercegovine u Republici Hrvatskoj	556	498	Odluka o zabrani klanja kvalitetnih priplodnih grla goveda, ovaca, koza i svinja i podmlatka ovih životinja	560
482	Odluka o izboru sudije Ustavnog suda BiH	556	499	Odluka o obrazovanju Komisije za međunarodno ratno pravo	561
483	Odluka o imenovanju okružnih vojnih tužilaca i zamjenika okružnih vojnih tužilaca	557	500	Pravilnik o obrascu, postupku izdavanja i načinu vođenja evidencije o ličnim kartama	561
484	Odluka o razrješenju zamjenika osnovnih javnih tužilaca	557	501	Naredbu o usklađivanju mjesečnih novčanih iznosa civilne invalidnine i dodatka za njegu i pomoć drugog lica od 1. avgusta 1992. godine	565
485	Odluka o razrješenju i imenovanju zamjenika okružnog vojnog tužioca u Okružnom vojnom tužilaštvu u Bihaću	557	USTAVNI SUD BOSNE I HERCEGOVINE		
486	Odluka o razrješenju i izboru sudija Okružnog vojnog suda u Zenici	557	Odluka o ukidanju odredbe člana 51. Pravilnika o ličnim dohocima Društvenog preduzeća za nisko-gradnju "2. oktobar" Tuzla, od 13. 6. 1991. godine	565	
487	Odluka o razrješenju i izboru sudija okružnih vojnih sudova	557	NARODNA BANKA BOSNE I HERCEGOVINE		
488	Odluka o izboru predsjednika i sudija okružnih vojnih sudova	558	Odluka o utvrđivanju visine minimalnog iznosa osnivačkog fonda banke	565	
489	Odluka o izboru predsjednika i sudija Višeg suda za prekršaje u Tuzli	558	REPUBLIČKI JAVNI FOND ZA SOCIJALNU I DJEČIJU ZAŠTITU		
490	Odluka o imenovanju republičkog savjetnika u Predsjedništvu RBiH	558	Odluka o uslovima i iznosima dodatka za djecu za pripadnike Oružanih snaga Republike Bosne i Hercegovine za vrijeme ratnog stanja ili u slučaju neposredne ratne opasnosti	565	
491	Odluka o imenovanju direktora Direkcije RBiH za raseljena lica i izbjeglice	558	ZAVOD ZA STATISTIKU BOSNE I HERCEGOVINE		
492	Odluka o izboru sudija - porotnika okružnih vojnih sudova	558	Koeficijenti rasta cijena i koeficijent rasta troškova života u Republici Bosni i Hercegovini	566	
493	Sporazum između Republike Bosne i Hercegovine i Republike Slovenije o uspostavljanju diplomatskih odnosa između dvije države	559	Koeficijenti rasta cijena i troškova života u Republici Bosni i Hercegovini za juli 1992. godine	567	
494	Odluka o obustavljanju upisa novih studenata na Odsjeku za opštenarodnu odbranu FPN "Veljko Vlahović" Sarajevo u školskoj 1992/93. godini	559	Koeficijenti rasta cijena i troškova života u Republici Bosni i Hercegovini za avgust 1992. godine	567	
495	Odluka o upisu studenata i o početku nastave na visokoškolskim ustanovama u školskoj 1992/93. god.	559	Koeficijenti rasta cijena i troškova života u Republici Bosni i Hercegovini za septembar 1992. godine	567	
496	Odluka o imenovanju Upravnog odbora Javne ustanove Klinički centar Univerziteta u Sarajevu	559			